



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 412
fax. +387 33 726 423
e – mail: info@voda.ba

Broj: **UP-1/21-1-40-442-8/22**

Datum: **14.12.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica KJP "Sarajevo-šume" d.o.o. Sarajevo za ispuštanje oborinskih onečišćenih otpadnih voda u prirodni recipijent sa lokacije interne dizel stanice koja se planira graditi na zemljištu označenom kao k.č. broj: 1631 K.O. Lokve, općina Hadžići, na osnovu člana 109. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o prethodnoj vodnoj saglasnosti**

1. Podnosiocu zahtjeva, KJP "Sarajevo-šume" d.o.o. Sarajevo, daje se prethodna vodna saglasnost za ispuštanje oborinskih onečišćenih otpadnih voda u prirodni recipijent sa lokacije interne dizel stanice, koja se planira graditi na zemljištu označenom kao k.č. broj: 1631 K.O. Lokve, općina Hadžići.
2. Prethodna vodna saglasnost daje se u postupku izdavanja okolinske dozvole, urbanističke saglasnosti za objekte i aktivnosti za koje nije potrebna okolinska dozvola i u postupku izdavanja koncesije na vodama i vodnom dobru.
3. Ova prethodna vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr..
4. Prethodna vodna saglasnost se daje na osnovu pregleda dostavljene projektne i druge dokumentacije, utvrđenog činjeničnog stanja i pod slijedećim uslovima:
 - 4.1. Izraditi i revidovati investiciono tehničku dokumentaciju vanjskog uređenja predmetnog objekta sa tehničkim rješenjem sistema za prikupljanje, tretman i ispuštanje otpadnih voda sa lokacije interne dizel stanice i sa definisanjem krajnjeg recipijenta prečišćenih otpadnih voda, na nivou Glavnog projekta. Projektna dokumentacija treba biti urađena od strane firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (Lista «A») u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt („Službene novine Federacije BiH”, broj 17/08 i 38/12).
 - 4.2. Projektna dokumentacija pored općih uvjeta treba da obradi sva pitanja definisana članom 5. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj 31/15, 55/19, 41/20 i 63/22) koja su bitna za konkretan slučaj, a naročito:
 - Proračun potrebnih količina voda za internu dizel stanicu (potrebne količine vode, potrebne količine vode za pranje i količina voda sa manipulativne površine - pretakališta i sl.);
 - Dati osnovne podatke o recipijentu, sa detaljem ispusta prečišćenih voda u isti. Lokalizet ispusta prečišćenih voda mora biti naznačen na situaciji adekvatne razmjere, kao i mjesto vršenja monitoringa prečišćenih voda (okno za uzimanje uzoraka);
 - Proračun kvantitativnih i kvalitativnih karakteristika otpadnih voda predmetnog objekta - manipulativnih površina i pretakališta;
 - Tehničko rješenje sistema za prikupljanje oborinskih onečišćenih voda sa lokacije rezervoara i prostora za pretakanje goriva, prečišćavanje i ispuštanje prikupljenih voda sa predmetne lokacije sa potrebnim proračunima i tehničkim opisom;

- Osnovne podatke o rezervoaru za skladištenje goriva - naftnih derivata (vrsta materijala, zapremina, način i mjesto ugradnje, vrsta antikorozivne zaštite i sl.). Obavezna je ugradnja dvoplašnih rezervoara sa kontrolom nivoa u međuplašnom prostoru ili jednoplašnog rezervoara sa tankvanom adekvatne zapremine sa odgovarajućim atestima;
 - Tehničko rješenje odlaganja opasnih i štetnih materija koje se mogu naći na predmetnom lokalitetu;
 - Na preglednoj situaciji prikazati cjelokupan lokalitet sa postojećim objektima (pretakalište, manipulativni i parking prostor, uređaj za tretman oborinskih onečišćenih voda i dr.);
 - Tehničko rješenje za monitoring i način monitoringa zahvaćenih i ispuštenih otpadnih voda;
 - Sagledati mogućnost nastajanja neželjenih uticaja na režim voda ili uticaja režima voda na stanovništvo, objekte, radove i okolinu, sa prijedlogom mjera sa sprečavanje istih.
- 4.3. Investitor u tehničkoj dokumentaciji treba dati takva rješenja kojim će se obezbjediti da prečišćene otpadne vode prije ispuštanja moraju da zadovolje granične vrijednosti emisije na način kako je to propisano članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
- 4.4. Pri izradi tehničke dokumentacije pridržavati se uslova iz Urbanističke saglasnosti, zakonske regulative vezane za ovakvu vrstu radova, ekološko-ekonomskih zahtjeva te pravila struke i nauke.
- 4.5. Investiciono tehnička dokumentacija mora biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
5. Nakon ishodovanja Rješenja o urbanističkoj saglasnosti i Okolinskoj dozvoli od nadležnih službi, potrebno je podnijeti zahtjev za donošenje Rješenja o vodnoj saglasnosti na projektnu dokumentaciju. Pored investiciono – tehničke dokumentacije urađene u skladu sa uslovima datim u dispozitivu ovog Rješenja, Investitor treba dostaviti i dokumentaciju navedenu u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata.
6. Ovo Rješenje o prethodnoj vodnoj saglasnosti Investitor će koristiti u postupku dobijanja urbanističke saglasnosti i okolinske dozvole i ona definiše sve uslove koje projektna dokumentacija treba ispuniti sa aspekta voda u skladu sa Zakonom o vodama.
7. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
9. Ova prethodna vodna saglasnost se može izmjeniti ukoliko nastupe razlozi utvrđeni u članu 130. stav 1. tačka (1)., (2)., (3). ili (4). Zakona o vodama («Službene novine Federacije BiH», broj 70/06), a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Podnosioc zahtjeva KJP "Sarajevo-šume" d.o.o. Sarajevo se dana 02.09.2022. godine obratio ovoj Agenciji sa zahtjevom za ispuštanje oborinskih onečišćenih voda u prirodni recipijent sa lokacije interne dizel stanice, koja se planira graditi na zemljištu označenom kao k.č. broj: 1631 K.O. Lokve, općina Hadžići.

U provedenom postupku dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra broj: 065-0-RegZ-22-010219 od 28.09.2022. godine izdata od Općinskog suda u Sarajevu;
- Ovjerena kopija Uvjerenja o poreznoj registraciji donesenog od strane Porezne uprave Kantonalni ured Sarajevo, 24.07.2008. godine;
- Uvjerenje broj: 07-19-3-8849/2022 od 28.10.2022. godine, izdato od strane općine Hadžići, o statusu predmetne parcele u pogledu planske dokumentacije sa izvodom iz Prostornog plana Kantona Sarajevo za period 2003-2023.

- Zemljišnoknjižni izvadak broj: 31794/22 od 05.04.2022. izdata od Općinskog suda u Sarajevu ZKU broj: 56, ovjerena kopija;
- Kopija katastarskog plana R 1:2000 od 20.01.2022. Općina Hadžići, ovjerena kopija;
- Ovjerena Kopija saglasnosti JKP Komunalac d.o.o. Hadžići, broj: 1755-II-04-3/22 od 14.04.2022. godine;
- Studija za izdavanje prethodne vodne saglasnosti za izgradnju interne dizel stanice na lokalitetu Hadžići, broj: 447-07-i/22 urađena od strane „SENDO“ d.o.o Sarajevo, juli 2022. godine;
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska u skladu s članom 19. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj 31/15, 55/19, 41/20 i 63/22) dopisom broj: UP-1/21-1-40-442-2/22 od 21.09.2022. godine u kojem je zatraženo od podnosioca zahtjeva da isti upotpuni u roku od 20 (dvadeset) dana od dana urednog prijema dostavljene obavijesti.

Dana 21.10.2022. godine, podnositelj zahtjeva je uz dopis broj: 0103-3410-2/22 od 18.10.2022. godine dostavio dio tražene dokumentacije. Dopisom broj: UP-1/21-1-40-442-4/22 od 24.10.2022. godine od podnosioca je ponovo zatraženo zahtjeva da isti upotpuni u roku od 20 (dvadeset) dana te je 26.10.2022. dopisom broj: 0103-3410-3/22 od 21.10.2022. godine dostavio preostalu dokumentaciju.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav 1. Zakona o vodama („Službene novine Federacije BiH“, broj: 70/06) o zahtjevu je dana 03.11.2022. godine obaviještena javnost putem obavještenja na oglasnoj ploči „Agencije za vodno područje rijeke Save“ Sarajevo i u dnevnom listu „OSLOBOĐENJE“. U datom roku nije bilo pisanih izjašnjenja o predloženim aktivnostima iz zahtjeva.

Shodno navedenom, a na osnovu uvida u raspoloživu dokumentaciju, utvrđeno je:

- Predmetni objekat interne dizel stanice planira se graditi na zemljištu označenom k.č. broj: 1631 K.O. Lokve, općina Hadžići.
- Za predmetnu aktivnost je od strane JKP Komunalac d.o.o. Hadžići izdata saglasnost broj: 1755-II-04-3/22 od 14.04.2022. godine.
- Oborinske onečišćene vode sa manipulativnih površina dizel stanice prikupljat će se kontrolisano putem slivnika i kanalisa sa slivnom rešetkom, te internom kanalizacionom mrežom odvoditi do tipskog separatora ulja i naftnih derivata i preko okna za monitoring ispuštati u krajnji recipijent - upojni bunar.

Izgradnja interne dizel stanice obrađena je i definisana u studiji broj: 447-07-i/22 urađena od strane „SENDO“ d.o.o Sarajevo, juli 2022. godine.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 4. dispozitiva rješenja, shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata propisani uslovi koje projektna dokumentacija treba da ispuni, a ista će Investitoru biti potrebna u postupku pribavljanja vodne saglasnosti i odobrenja za građenje.

Na osnovu prednjeg i provedenog postupka, a shodno članu 111. Zakona o vodama, članu 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka

Nihad Pezo, dipl.inž.građ.

Po ovlaštenju
Rukovodilac sektora za izdavanje
vodnih akata


Haris Ališehović, dipl.inž.građ.

Dostaviti:

- KJP Sarajevo-šume d.o.o. Sarajevo, Maršala Tita 7/II, 71000 Sarajevo;
- AVP Sava, ISV-vodna knjiga – ovdje;
- ⊖ Arhiva – ovdje;
- AVP Sava – Oglasna ploča